

Cracov. Acad. Univ. Lycz.  
Promotiones Philos. 3<sup>rd</sup>.  
1746 d. 5<sup>th</sup> men. Moscumb.



Kat. Komp.

3419

III.


Mag. St. Dr.

P

Pozna 28<sup>th</sup> 9.

Bajer Joan. Nepi Fuvii auroglui et gemmiferi  
eruditae in proterum virtutis VIII. Vs. Ss. pro-  
mae laureae Candidatorum effusis







FLUVII

Auriflui & gemmiferi,

Eruditæ in pretium virtutis

VIII. VV. DD. Primæ Laureæ Candidatorum,

EFFUSI.

ac dum;

In Alma Universitate Cracoviensi,

Per

*Clarissimum ac Excellentissimum Dominum,*

D.M. ANTONIUM

MICHALSKI,

Philosophiæ DOCTOREM & PROFESSOREM,  
Collegam Minorem,

Præsentem Magnorum Hospitum Coronâ,  
Artium Liberalium & Philosophiæ Baccalaurei

Ritu solenni crearentur;

et

JOANNE NEPOMUCENO

BAJER,

Ejusdem Laureæ Candidato,

Artificiô Poëtico

EDUCTI.

Anno Domini 1746 Die 5ta Mensis Novembris.

CRACOVIAE, TYPIS UNIVERSITATIS.

*Tomus Librorum Amos.*





Phæbo sacrauit lauros veneranda vetustas;  
 Nostra dicata esto, Laurea ROCHE Tibi;  
 Tu plusquam Phæbus, plusquam Divinus Apollo,  
 • Illam præsidio protege posco, Tuô. 3419 III



# AD DIVINISSIMUM ROCHUM.

Singularem ab Epidemia  
PATRONUM

Prophasis Dedicatoria.



**P**rimam Philosophicam Lauream, ex umbroso  
Academi assumptam luo, sub magnas Illustri-  
um Nominum non defero umbras, Academicā  
Corymbum Regali D. Fagelonis in Parnasso  
receptam, inter augustos Principum lares,  
inter coronata triumphalibus atria non appendo  
trophæis, sed eandem ad Sancti Tui Nominis Aram, quam pien-  
tissimæ singulari sanctimoniâ vitæ, quam Angelicis in hominum  
consortio Tuis meruisti actibus, Cælo coronate toto, Orbe terra-  
rum integro æquè venerande ac celeberrime ab Epidemia Pa-  
trone D. ROCHE, profundissima cum veneratione pro de-  
voti anathemate pectoris repono. Quid enim vero est protectio-  
ni se committere humanæ? Est splendorem sperare ab umbris, est  
contra idus & vulnera confossum induere clypeum, est solidum ab  
arundine levi expectare fulcrum, est contra pluvium Jovem,  
nubiliq; injurias Cæli rimoso pariete defendi. Admodum lubri-  
cus evadendi ad altiora gradus, cui humana pro basi obtenditur  
protectio. Admodum debile prosperioris argumentum fortunæ,  
quod terreno petitur & desumitur à Patrocinio. Tuum Divi-  
nissime Patrone Nomen, fastis Beatorum inscriptum, inter  
Cæli sidera, inter æternos Sanctorum fulgentissimum splendores,



meis in Alma Scientiarum Matre progressibus, meo in Philosophia  
 primo gradui, meae novellae Laureae, unicum decus, firmissimum  
 Columnen & praesidium esto Antesignana protectione Tua quid  
 ulterioribus non prosperum in progressibus? quid altiori lubricum in  
 gradu? quid in laurea noxium? quid funestum expavescam? Non  
 in fluxu aquae elemento, sed perennibus beneficia Tua in marmo-  
 ribus sculpsit Aqua pendens, famosa Hesperiae Civitas, quam fusis  
 ad DEUM precibus pestifera depurgasti à lue. Splendidas Aras,  
 pluresq; basilicas Aedes, Sancto Tuo erexit Italia Nomini, quae  
 contagioso pestilentiae correpta aestu, ne penitus conflagrasset, fer-  
 ventissimis effecisti Orationibus. Habes perennaturas in Aenea  
 Columnas, habes magnifica Placentiae Altaria, Orbe in integro sunt  
 Tibi praecipui plausus, sunt sacri cultus & honores. Evicit eos  
 & immortales faciet, illa quam in desperatis hominum rebus prae-  
 stabas & prestare non desinis protectio. Triumphali Crucis vi-  
 ctoriosae insignitus Trophaeo, materno in Orbem ab utero effusus,  
 vitam inter homines agens, mortem propulsabas ab hominibus,  
 quod non opis erat humanae. Inter Caeli incolae adscitus, sola tui  
 invocatione Nominis, Epidemicos curas languores, lapsas consolidas  
 vires, letos à letho educis Clientes, liberas à morte, in circuitu  
 mortis ambulantes. Sancto ergo Nomini Tuo, ad cuius tri-  
 umphalem tesseram, ipsis trophaea sumere de fatiis, medijs vtrices  
 laureas colligere de taxis, tot devotis Clientibus concessum est,  
 novellam Lauream, primum Philophici Insigne honoris, cum pro-  
 fundissimo dedico & consecro cultu. Tua sub protectione erit mea  
 Corymbus, fatorum quovis à fulmine tuta. Fovebis devotum  
 Sacri Nominis Clientem gratioso & efficaci Tuo Patrocino.  
 Huic me, meosq; reddendo Parentes, meo & Eorum Nomi-  
 ne ad Aras Tuas Clientale anathema appendo.



## F L U V I I

## Auriflui &amp; gemmiferi

Eruditæ in pretium virtutis

VIII. VV. DD. Primæ Laureæ Candidatorum

## E F F U S I.

I.V.D. GASPARO SZASTER

PATRITIO CRACOVIEWSI.

Pactolus Fluvius Lydiæ.

*Cum Lemmate: Pretiosus dives arenis.*

**C**astalium pete penna vadum, sacriq; fluenti  
 Largifluos hauri latices, & divitis alvæi  
 Flumina Parnassi circum spumantia colles,  
 Obsequiis undare novis in carmina coge.  
 Ordine nam primus tum primo SZASTER honore  
 Dignus, ut elogiis scribatur; quanta meretur  
 Fontibus hyblæis decurrat, suada necessum.  
 Plenis, & calamum fecundent Castalis undæ.  
 Regia præclaros Urbs Huic dedit Ipsa Penates,  
 Clima Viros pariens magnos, & dotibus amplis  
 Ingeniô doctô, generosa & mente beavit.  
 Ortus Avis dignis, præclaro Consule natus,  
 Quo Pater Æneas & Avunculus excitat Hector,  
 Accelerat pulchro nisu; vestigia summis  
 Ausibus intendit majorum effingere magna.  
 Moribus eximiis excultus, Pallade tota  
 Eminet ornatus. Musis erit omine certo  
 Gloria; sic opibus doctis ditescet abundis,  
 Ut rutilis extat dives Pactolus arenis.



## III. V.D. THOMÆ OLCHAWSKI

Eridanus Italiae Fluvius.

Cum Lemmate: *Cælo gratissimus amnis.*

**V**irtutem comitatur honos & gloria factum,  
 Laus operis comes est, at probitatis honor.  
 Præmia pro meritis quis quando justa negaret?  
 Quis plausu, titulis, destituisse velit?  
 Præstantes virtute Viros; hæc gloria summa  
 Est laudum series, elogiiq; decus  
 OLCHAWSKI magnum; toto quod robore mentis  
 Virtutem Superis terricolisq; simul  
 Dilectam sequeris, virtutis munera multa  
 Jam collecta tenes, esq; beatus eis.  
 Hinc animi dotes, Tibi mentis gloria doctæ,  
 Hinc morum gravitas, hinc bona quæq; fluunt.  
 Aurifer Eridanus Cælo gratissimus amnis,  
 Eximiis pretium dotibus ipse vehit.

## IV. V.D. ANTONIO KOMOROWSKI

Padus Fluvius montis Vesulli.

Cum Lemmate: *Rivos è sidere ducit.*

**L**audari fluvios si cupis exteros?  
 Si fontes alios, flumina si velis?  
 Orbem quæ rapido vortice permeant,  
 Excelsis Cytharæ carminibûs cani.  
 Laudandi variam materiem dabunt  
 Montes, saxa, quibûs profluit undifer  
 Fons, torrens, fluvius. Sed Padus unicus  
 Distincta penitus laude superbiat.  
 Solus namq; suos ducit ab æthere  
 Ortus, ex nitidis sideribus fluit.  
 Hic prorsus variis dignior amnibûs,  
 In magnæ celebres laudis adoreas,



Mens cognata Polo quas meruit Tua,  
 Quas dotes animi conspicuæ, vigil  
 Annis à teneris in studio labor,  
 Quas sincerus amor pro sapientia  
 Quò certas nimium; gurgite sidera  
 Effusus volucris patria provocans,  
 Cedit nunc meritis in pretium Tuis,  
 Dotes eximias sideribus Poli  
 Desumptas. referet culmen ad altius,

V. V. D. JOSEPHO SZCZETCHOWICZ

Hydaspes Fluvius Indiæ

Cum Lemmate: *Placidis prælabitur undis.*

**L**Audes flumine quò Tuas?  
 Quo fundam elogia alveo  
 SZCZETCHOWICZ Tibi congrua?  
 Ganges & Tagus aurifer,  
 Pactolusq; potentior  
 Gemmas fundere fulgidas,  
 Juncto gurgite defluunt.  
 Illos amnis Hydaspes  
 Præcurrit, placidis ruens  
 Rivis. Hic animi Tuas  
 Dotes eximii bonas,  
 Hic mentis niveum decus,  
 Hic aurum caput optimum,  
 Hic suadæ latices Tuæ  
 Suaves, hic pretiò pari  
 Mentis munera vivida,  
 Indos fundet ad ultimos.

VI. V. D. FRANCISCO MASIORSKI

Tagus Fluvius Lusitaniæ.

Cum Lemmate: *Tempestate sua pretiosus*



**L**onga mihi dubiam tenuit sententia mentem.  
 Qui fluvius, fons, torrens rivus dignior amnis  
 Laudes promeritas Tibi fundet gurgite vasto,  
 Nomen & innatos pariter FRANCISCÆ decores,  
 Fluctibûs auriferis revehet sub sidera Cæli?  
 At quando dubio premitur mens anxia sensu,  
 Aurifer ecce *Tagus* perblando murmure manans  
 Occurrit; tum digna Tuis in symbola cedit  
 Dotibus & meritis, hic sat bene congruus amnis.  
 Tempestate sua pretiosus profluit ille,  
 Tu gemmas aurum fluido profundis ab ore,  
 Eurippi totum pretium gazasq; Sophorum  
 Mente capis doctâq; *Tago* simillimus extas.  
 Ergo Tibi fortuna favens pretiosa refundat  
 Munera, successus lætos successibus addat.

# VII. V.D. ANDREÆ GLVZINSKI

Hermus Fluvius Minoris Asiæ

Cum Lemmate: *Dives propellitur unda.*

**I**ndia dives opum pretiosis atq; fluentis  
 Dives Arabs, Asiæq; solum sæcundius undis  
 Gemmiferis, Hispana Thetis tum Lydia tellus,  
 Non amnes aurô tumidos, non flumina jactent,  
 Quæ spumant gemmâs nitidis & littora ditant.  
 Cracius ecce Tibi Parnassus doctæ GLVZINSKI,  
 Appretians pulchros animi quibûs ipse decores  
 Fulges, & magnæ mentis speciosa rependens  
 Dona, quibûs docilesq; Sophos, æquasq; Marones;  
 Tullium & eloquiô clarum suadâq; potentem,  
 Divinos meritum titulos summumq; Platonem;  
 Ditibûs undantem solumis fulvâq; Saburrâ  
 Hermum, Castalidum mediis effundit ab undis.  
 Hôc Fluviô fortuna Tuos celer ac honor omnis,  
 Ad nutus veniat, voveo Tibi corde faventi.



## VIII. V.D. NICOLAO KONTVRKIEWICZ

Ticinus Fluvius Insubriæ.

*Cum Lemmate Secundo gurgite currit.*

**C**esserunt aliis aurea flumina,  
Amnes gemmiflui, rivus opum ferax,  
NICOLAE Tibi modò,

Cedit nobilis ac Eridani comes  
Fidus, qui *Ticini* nomine perfluit  
Insubrum celer Insulas.

Est certe fluvius inde celebrior  
Famosis. Equidem gurgite prospero  
Effundit latices suos.

NICOLAE Tuis laudibus hicerit  
Promendis parilis. Sic labor anxius,  
Vt solers studium Tibi,

Primos in stadio Palladis arduo,  
Gressus sanguineis fluctibus obruit;  
At æquor sapientiæ

Tranâsti medium, lasone Colchico  
Longè prosperior. Celsius occupa  
Littus, Musa vovet mea.

## II. V.D. JOANNI NEPOMUCENO BAJER

PATRITIO CRACOVIANSI,

Ejusdem Laureæ Candidato,

Auctori Operis.

V. G A S P A R S Z A S T E R

Ejusdem Laureæ Candidatus,

*In vim mutui affectûs*

Offert Nilum Ægypti Fluvium.

*Cum Lemmate: Non est fecundior ullus.*

**Æ**quore de vasto manantia flumina quævis,  
Et quibus immêsus perfunditur ambitus Orbis,  
Omnes cærulei tumido de gurgite Ponti,

D

Terrarum



Terrarum fluvios tacitis anfractibus ire,  
 Sit plusquam certum; soli Pelagoq; Parentis  
 Vndarum tribuatur honos. Est gloria *Nilo*,  
 Quod maris immensi spatiosa mole fluentis  
 Æmulus, ambustam torrenti sole Canopum.  
 Quaq; Pharus sicibunda suis protenditur agris,  
 Solus in Ægypti dominatur maxima Regna,  
 Largifluo campos fecundans amne patentes,  
 Solus & in septem diffunditur ostia *Nilus*.  
 Hic Tibi lene fluens, quod non fecundior ullus  
 Symbola digna refert fluvius, celebrande JOANNES  
 Laudibus innumeris. Etenim Tu Carmina nobis  
 Docto fudisti calamo, laudesq; sonorô  
 Concinnas metrô cecinisti. Tu velut ille,  
 E multis famam, non uno fonte perennem  
 Ducis. Es à Patria felix, ab origine clarus,  
 Inclyta dignorum stirps progeniesq; Parentum.  
 Ingeniô docili præstas, probitate refulges.  
 Est Tibi pulchra Tuos redditq; modestia mores  
 Laudandos, pariterq; facit constantia gratos.  
 Eloquiô suavi polles, sermone diserto  
 Vernas. Verba Tibi dulcis facundia format,  
 Tuq; arcana Sophûm, subtili mente resolvis.  
 Amplius ipsa dabit virtus encomia magna,  
 Docibus ex ipsis BAIER laudaberis ultra.  
 Ast ego cum nequeam paribus pro carmine culto,  
 Respondere metris, Tibi credas corde faventi.  
 Prospera quæq; precor, fortunæ dona secundæ  
 Non rivis remeent, sed *Nili* flumine toto.

Permissu Magnifici Domini  
 R E C T O R I S.



Biblioteka Jagiellońska



stdr0023091



